

Drugi stručni/naučni skup na temu: "Očuvanje Spomenika prirode Prokoško jezero kroz Prostorni plan posebnih obilježja SBK/KSB"

Fojnica, 20.02.2025. godine - U organizaciji Javno komunalnog preduzeća „Šćona“ d.o.o. Fojnica - Privremenog upravitelja zaštićenog područja Spomenika prirode Prokoško jezero, Općine Fojnica, Ministarstva prostornog uređenja, graditeljstva, zaštite okoliša, povratka i stambenih poslova SBK/KSB, održan je značajan skup pod nazivom „Očuvanje Spomenika prirode Prokoško jezero kroz Prostorni plan posebnih obilježja SBK/KSB“ u sali hotela Reumal. Skup je okupio stručnjake, predstavnike institucija i lokalne zajednice, koji su zajednički razmotrili najvažnije aspekte zaštite ovog prirodnog bisera i održivog turističkog razvoja.

Glavne teme skupa su bile:

- Unaprjeđenje turističke ponude
- Izrada Prostornog plana posebnih obilježja SBK/KSB

Kroz konstruktivne diskusije, istaknuti su izazovi i mogućnosti za balansiranje očuvanja prirodnih vrijednosti i poticanje turizma, kao i važnost uključivanja svih relevantnih faktora u procesu planiranja.

Zahvaljujući aktivnom učešću i stručnim prijedlozima učesnika, postavljeni su temelji za izradu Prostornog plana, koji će omogućiti dugoročno očuvanje Prokoškog jezera, ali i unaprijediti turističku ponudu i doprinositi održivom razvoju lokalne zajednice. Skup je bio važan korak ka stvaranju održivih rješenja za zaštitu Prokoškog jezera, koje je prepoznato kao jedno od najvažnijih prirodnih i kulturnih naslijeđa u Bosni i Hercegovini.

Zahvaljujemo se što ste uveličali ovaj skup koji je održan u sali hotela Reumal, svojim prisustvom i aktivnim učešćem. Želimo se zahvaliti svim predstavnicima institucija i saradnicima na ovom projektu: Ministarstvo prostornog uređenja, graditeljstva, zaštite okoliša, povratka i stambenih poslova SBK/KSB, Općina Fojnica, Ministarstvo privrede SBK, Kantonalni porezni ured - Porezna ispostava Fojnica, Kantonalni zavod za urbanizam, prostorno planiranje i zaštitu kulturno-historijskog naslijeđa, Građevinski fakultet Univerziteta u Sarajevu, Prirodno-matematički fakultet Univerziteta u Sarajevu, Arhitektonski fakultet Univerziteta u Sarajevu, IPSA INSTITUT d.o.o. Sarajevo, IBEJ d.o.o. Sarajevo, Fond za zaštitu okoliša FBiH, UNDP u BiH, Zemaljski muzej BiH.

Zahvaljujemo se Načelniku Općine Fojnica, g. Sabahudinu Klisuri na podršci i prepoznavanju značaja prirodnih ljepota naše Općine i na ulaganju napora kako bi Prokoško jezero ostalo ponos naše zajednice.

Kolektiv JKP „Šćona“ d.o.o. Fojnica

